



UNITE PASTORALA

福若瑟

VAL BADIA

Carsëma 2020

I RENUNZIËI

Ci poi pa iö fa?

Dal Vangele dla Domënia dal Orí: (Mt. 21,9)

"Osanna al Fi de Davide"

I toli pert ala liturgia dl'Edema Santa che condüj por le tru dla pasciun ala ligrëza dla ressourceziun.

PLOANIES DA SAN MARTIN Y LUNGIARÜ

Dala Benediscion dl orí vëgnel benedí l'orí ch'i tignëis tles mans tratan la Benediscion y l'Ingres; y chi che n'un n'á nia a ciasa pó do mëssa jí a se tó l'orí benedí apé de dlíja sides a San Martin co ince a Lungiarü.

Pro la Mëssa de Pasca vëgnel benedí le signé ch'i arjgnëis ca sön mësa.

En Jöbia Santa dales 18.00, en Sabeda Santa dales 22.00 y en Pasca dales 12.00 sonará dotes les ciampans dla diozeja por incundé le Triduum dla comemoraziun y dla zelebrazion dla pasciun, mort y ressourceziun dl Signur.

Por vire plü sot la liturgia dl Vëndres Sanc **orunse mëte dan da nos n crist o na crusc.**

Y pro la liturgia dla Sabeda Santa impiunse ince te nostes ciasas na **ciandëra da Pasca** sciöche sëgn de Gejú che tlarësc la scuritë y ressource a vita nöia.



NÖT DE PASCA

Le lominus de chësta Nöt Santa tol demez le ri y lâ jö la colpa, ti dá ai piciaus l'inozëza y ai desconsolá la ligrëza. Ara para demez le sënn, unësc i cörs y rump la potënza dl mal. Ara lomines cina ch'al lê la stëra dla doman, chë dërta stëra che ne vá mai jö: to Fi, nosc Signur Gejú Crist, ressource dai morc, che ti aparësc ala jënt tla löm de Pasca, ël che vir y regnëia tl'eternité.

COMUN SAN MARTIN DE TOR

Dal 2 d'aurí inant ël scrit dant, por ne se taché nia y ne ti taché nia a d'atri le coronavirus, che an mëss se curí la bocia y le nes sc'an vá fora de ciasa cun na sciarpa, o na peza o na mascorina. Al é na prevenziun nezesciara y n sëgn dla responsabilité ch'i nes sun de debit un al ater. Al é na cossa a chëra ch'i ne sun nia ausá mo ch'i messun fá por superé chësta situaziun.

I ofizi dl'aministrazion de comun resta stlúc. L'azes por le publich por caji de nezescitë y por sorvisc essenziari vëgn conzedü sön prenotaziun por telefon 0474 523125 resp. e-mail info@comun.sanmartindetor.bz.it. I ofizi pó gní contatá ti orars sciöche zënza dales 8.00 - 12.30 y dales 14.00 - 17.30

L'ann passé á le Comun lascé fá tl cheder de n proiet "PiccolaGranditalia TV" n film cört de ca. 10 menüc sön le Comun de San Martin de Tor che é ince ste da odëi tla televiziun sön canai dla plataforma SKY. Sëgn te chësta perioda de crisa é gnü metü a jí n "Festival dei Borghi d'Italia", olach'al vëgn cina ai 14 de aurí mostré deplü de chisc documentars, indöt 20, un por regiun, y ala fin ince premié i pröms trëi che plej deplü. Por la Regiun Trentino-Südtirol é gnü chirí fora le film de nosc Comun, che sará da odëi sön internet ai 14.04.2020 söl sit <https://forms.gle/d1sYzXDVSZmRoPD8>. Da dailó inant pó vignun scrí söl medemo sit che le film ti á plajü (y daidé pro da davagné le pröm pest). Deplü info <https://www.piccolagrandeitalia.tv/blog/festival-dei-piccoli-borghi-ditalia>



www.unitepastorala.org

Plata dles Ploanies San Martin y Lungiarü

siur ploan Klaus Sottas 344 15 54 055 - klsottas@yahoo.de

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

05.04. – 12.04.20 nr. 19

ultimo termo por comunicaziuns: jöbia dales 20.00

DOMËNIA DAL ORÍ - A

Vangele do Matí 11.1-45

Ai á condüt la müscia cun le polarin, á metü sü guané sön chisc y spo s'ál senté lassura. Tröpa jënt destenô sü guané ia por strada, d'atri taiá jö rames dai lëgns y les sternô ia por tru.

La jënt, che jô danfora y che ti gnô do, scraia:

Osanna al Fi de Davide!

Benedi sides ël,

che vëgn tl inom dl Signur.

Osanna tl plü alt dl cil!


Canch'al é jü ite te Ierusalem,

s'á dōta la cité emozioné

y an damanâ: Chë é pa chësc?

La jënt dijô: Chësc é le profet,

Gejú da Nàzaret tla Galilea.



Tla meja ël saurí da ti iubilé adincuntra al re di iüdes, dailó ne rovàn te degönes bries. Porchël é i iubilanc ince atira sparisc canche la plata s'á ot: Le re pié y i apostui sprigorá indalater. Dan dai farisés y dan dal gran consëi ne s'infidá plü degügn da se lascé sō; dailó l'essi defata paiada cun la vita.

Iö sá tan ch'i viri a cost dl terzo monn y ch'ara ne vá nia insciö inant, mo canch'ara se trata da renunzié a mi vantaji y mi bëgnester, dailó me lasci sō. I sá ch'i ne sun degun sant, mo guai sc'i mëssi dé pro mi picia, dailó sunsi te n iade n dër chestian y n'á nia bria da jí a me confessé.

Tl "Miserere" cianti: Láeme nët da mia colpa - mo no me bagné!"

Sté ite por n re? Ion, mo ma sc'al ne me costa nia. Me dé da fá por la iustizia?

Ion, mo ma sc'i ne vëgni nia a paie lassura. N stat sozial cun düc i sorvisc?

Ion, mo ma sce i atri paia. Perié do redenziun y salvëza dal mal?

Ion, mo prëitambel zënza mi sacrifici.

Stun ma n pü' a ti ciaré a Gejú dan da nos sōla crusc,

al s'á lascé costé val' da ester conseguënt te so amur por la jënt cina ala fin.

I stun ma a ti ciaré n pez. - Y nos? Tan sunse pa nos arjgná da dé ca?

EDEMA	SAN MARTIN les funziuns é da aldí tl radio dla cöra: ones FM 90.40 Mhz	LUNGIARÜ les funziuns é da aldí tl radio dla cöra: ones FM 93.70 Mhz	
05.04.2020 DOMËNIA DAL ORÍ - A al vëgn benedí l'orí ch'i tignun tles mans o ch'i podun jí a se tó apé de dlíjia do mëssa	10.00 Benedisciun dl orí <i>al vëgn benedí l'orí ch'i tignun tles mans o ch'i podun spo jí a se tó apé de dlíjia</i> Salm de ingres Pasciun do S. Matí y Eucaristia 19.00 Funziun de Carsëma	Radio dla cöra: ones FM 90.40 Mhz <i>Olach'an n'alda nia le radio dla cöra da San Martin sön la frecuënza 90.40 vëgnel invié da tó pert ales funziuns dl'Edema Santa por i radii dla diozeja (Sacra Familia o Grüne Welle) o d'atri radii o ince por televijiun</i> Ince a Lungiarü ciafëise l'orí benedí apé de dlíjia	La Mëssa dla Domënia dal Orí dales 9.00 zelebrada dal vësko é da aldí por radio Sacra Familia (= Radio dla Cöra) o Grüne Welle (ma cun radio digital) La Mëssa de Pasca col Vësko dales 10.00 é ince da odëi y da aldí tla televijiun y tl radio - Rai Südtirol JÖBIA SANTA   Chël Bel Dî nes é daimpró tl pan y tl vin. Al é senté cun nos pro mësa. Porchël á la mësa dl'Ultima Cëna ince inom "Mësa dl Signur" Deache le pan y le vign vëgn trasformá te na maníra misteriosa, é Gejú danter nos. Al nes invieia da sorví, s'umilian y ti lavan i pisc a nüscedesc sciöche ël á fat.
06.04.20 Zelestin, Prudenzia Lönesc dl'Edema Santa	19.00 Funziun de Carsëma	Radio dla cöra: ones FM 90.40 Mhz	
07.04.20 Jan Baptist de la Salle Mertesc dl'Edema Santa	19.00 Funziun de Carsëma	Radio dla cöra: ones FM 90.40 Mhz	
08.04.20 Walter, Beata, Iulia Mercui dl'Edema Santa	19.00 Funziun de Carsëma	Radio dla cöra: ones FM 90.40 Mhz	
09.04.20 Waltraud, Conrad Jöbia Santa EUCARISTIA	18.00 sonn dles ciampanes de döta la diozeja 19.00 In coena Domini: Zelebrazion dl'Eucaristia	18.00 sonn dles ciampanes de döta la diozeja Radio dla cöra: ones FM 90.40 Mhz	
10.04.20 Vëndres Sanc PASCIUN Y MORT Engelbert, Ezechiel Jaiun y astinënza	Radio dla cöra: ones FM 93.70 Mhz <i>Olach'an n'alda nia le radio dla cöra da Lungiarü sön la frecuënza 93.70 vëgnel invié da tó pert ala funziun dl Vëndres Sanc por i radii dla diozeja (Sacra Familia o Grüne Welle) o d'atri radii o por televijiun</i>	15.00 Pasciun y Mort de nosc Signur Adoraziun dla Crusc Supliches Oferta Misereor che po gní dada ala Caritas ince por banca IBAN: IT42F0349311600000300200018	VËNDRES SANC Gejú passa fora por la scuritë; piec ne jissera nia. Al ne ciafa degügn che ti stá dlungia tl dolor. Gnanca so Pere tl cil. Olá é pa chël che á dît che so inom é "Iö sun chël che é chiló"? Mo Gejú ne dá nia sö süa fede. Al ne dubitëia nia che Chël Bel Dî ne sides nia, ince sc'al ne sint nia süa vijinanza. Insciö se mët Gejú, le Fi de Dî, dala pert de chi che ne vëiga nia plü ldí te so dolor. (image) 
11.04.20 Sabeda Santa NÖT DE PASCA Gemma Galgani, Stanislau	20.00 Festa dla Nöt de Pasca Liturgia dla löm, Letöres, Gloria, Vangele, Impormetüdes dl Bato Eucaristia 22.00 al sona les ciampanes dla diozeja	Radio dla cöra: ones FM 90.40 Mhz 22.00 al sona les ciampanes dla diozeja	
12.04.20 DOMËNIA DE PASCA	9.00 Mëssa solëna de Pasca y benedisciun dl signé <i>ch'i arjignun ca a ciasa sön mësa</i> 12.00 sonn dles ciampanes de döta la diozeja	Radio dla cöra: ones FM 90.40 Mhz 12.00 sonn dles ciampanes de döta la diozeja	